

ZERI POPULLIT

ORGAN I KOMITETIT QENDROR TE PPSH

Viti 1 43-të i botimit
Nr. 93 (11.463)

E enjte, 18 prill 1985

Çmimi 30 qindarka

NDERIM E RESPEKT I THELLE NE MBARE ATDHEUN PER BIRIN ME TE LAVDISHEM TE PARTISE E TE POPULLIT, KOMANDANTIN LEGJENDAR, SHOKUN ENVER HOXHA

TE FORTE E TE BASHKUAR RRETH PARTISE

Shqipëria që s'e uli flamurin kurrë, shqiptari që askush s'e pa të ulë kryet, u përkulën me nderim të thellë përpara Heroit, Udhëheqësit e Mësuesit, përpara emrit dhe veprës së tij, që s'vdes kurrë, me zi në zemër, me lot në sy.

U bënë tetë ditë që udhëheqësin e Partisë e të popullit, shokun Enver Hoxha nuk e kemi midis nesh. Kjo dhimbje e jashtëzakonshme e pikëllimi i madh preku thellë zemrat e komunistëve, të fëmijëve e pleqve, të të gjithë popullit tonë. Eshhtë kjo shprehje e ndjenjave të larta, të dashurisë së pakufishme, e besnikërisë së patundur dhe e premtimit solemn të një populli të tërë se s'ka forcë që të na ndajë nga Partia, nga rruga që ka caktuar shoku Enver. Partia e popullit një e të pandarë, në hallë e gëzime. Kështu do të ndodh edhe në të ardhmen.

Në çaste të rënda të historisë shqiptari e ka zakon të mos e humbasë kurrë toruan e besimin, të mos ligshkohet. Humbja është e madhe, më e madha që kemi ndjerë, por shoku Enver, udhëheqësi i Partisë e i popullit na ka mësuar që hidhërimin ta kthejmë në forcë. Eshhtë meritë e shokut Enver, është edukatë e Partisë, janë traditat tona të shkëlqyeshme, guximi e trimëria, që e kanë bërë popullin të qëndrojnë i pamposhtur në çdo situatë të rëndë e përballë çdo vështirësie. Zemrat gjithnjë lart, besimin dhe forcën të patundur. E fuqishme kjo ndjenjë është shprehur edhe gjatë gjithë këtyre ditëve. Në homazhet për të nderuar figurën e ndritur të Udhëheqësit të madh, në mijëra e mijëra letra e telegrame dërguar Komitetit Qendror të Partisë, në mitingje e mbledhje në të gjithë Shqipërinë, në poezi dhe këngët, në vargjet e fjalët e zemrës, komunistët, i gjithë populli ynë betohet: «Do ecim në rrugën e Enverit e të Partisë. Dhimbjen do ta kthejmë në forcë». Këtë betim të zjarrtë e bëri edhe Komiteti Qendror i Partisë, gjithë Partia e populli për ta çuar përpara veprën e madhe që ka krijuar Enver Hoxha.

Shoku Enver na la një Parti të fortë, monolite e të pastër si drita, dhe një Shqipëri të lulëzuar, së cilës i kushtoi jetën e veprën e tij të paharruar. Përparimet tona në udhëheqjen e Partisë me në krye shokun Enver në të gjitha fushat e jetës, në industri e bujqësi, në arsim e kulturë, në mbrojtjen e vendit, në shkencë etj. janë madhështore. Në themel të tyre ka qëndruar e qëndron uniteti Parti-Popull, «kyçi i artë» i fitoreve tona, siç e ka quajtur shoku Enver. Prandaj tingëllon e do të tingëllojë përherë aktuale Thirrja e tij drejtuar popullit shqiptar me rastin e 40-vjetorit të çlirimit. «Ta ruajmë si sytë e ballit gjithçka që kemi arritur, ta zhvillojmë me konsekuencë më tej, t'u lemë brezave të ardhshëm një Shqipëri kurdoherë e më të fortë, kurdoherë të kuqe, si flakë e pashuar e zemrave dhe e idealeve komuniste e partizane, një Shqipëri që të rrojë e të përparojë në shekuj».

Porositë e mësimet e shokut Enver, vepra e shembulli i tij i ndritur do të frymëzojnë e do të ngrejnë në këmbë njerëzit tanë për të qenë përherë në punë e në sulm. Që drita e hidrocentraleve të mos shterojë, që gjelbërimi i bimëve të ngjitet më tej në majë male, që shkollat të gumëzhijnë gjithnjë nga zëri i fëmijëve, që njeriu ynë, vepra më e madhe e Partisë dhe e shokut Enver, zot i fateve të veta, të jetë gjithmonë i lumtur e i gëzuar, Partia e popullit qëndrojnë në këmbë, syzgjuar.

Homazhe pranë varrit të Udhëheqësit të dashur e të lavdishëm shokut Enver Hoxha

Mijëra e mijëra njerëz, nga i gjithë vendi, veteranë të luftës e të punës, punëtorë e kooperativistë, ushtarakë, të rinj e të reja, anëtarë të organizatës «Pionierët e Enverit», këto ditë marrin rrugën dhe ngjiten në Varrezat e Dëshmorëve të Kombit. Vijnë të nderojnë kujtimin e shokut Enver, Udhëheqësit, Mësuesit, Shokut, Vëllait, Mikut të njerëzve të thjeshtë. Vijnë me dhimbje të thellë, derdhin lotë, përulen me respekt të madh pranë varrit të prijësit legjendar të Luftës Nacionalçlirimtare dhe udhëheqësit heroik të ndërtimit të socializmit, shokut Enver Hoxha. Mblidhen rreth tij, grusht pranë njëri tjetrit, prekin me

dorë të dridhur gërmat e arta përjetë të dashura të emrit të tij të gdhëndura mbi mermerin e kuq: «Enver Hoxha 1908-1985».

Vijnë dhe vendosin buqeta me lule mbi varrin e njeriut më të shtrenjtë të zemrave të tyre që për gjysëm shekulli mendoi e punoi për ta, i dëgjoi si bir i thjeshtë dhe e dëgjuan si prind të vërtetë. Mal me lule mbi varrin e udhëheqësit të lavdishëm. Eshhtë një dashuri e pafund, që lindi dhe u rrit në ato ditë të vështira, kur maleve kërciste pushtka partizane, në betejat heroike të ndërtimit socialist të vendit, në gëzimet dhe festat tona të mëdha... Eshhtë dashuria e një populli të të-

rë, e çdo zemre dhe vatre shqiptare. Vijnë njerëzit grupë grupe dhe nderojnë me respekt kujtimin e veprës së ndritur dhe të pavdekshme të shokut Enver Hoxha, që është në të gjitha themelet e shëndosha mbi të cilat është ngritur atdheu ynë i bukur dhe i fortë. Qëndrojnë në heshtje me lot në sy dhe pikëllim në zemër, me peshën e dhimbjes së rëndë për humbjen e Udhëheqësit të dashur të Partisë e të popullit shokut Enver Hoxha. Me dhimbjen e tyre të thellë shprehin mirënjohjen e pakufishme për Partinë. Me fjalën e mënçur e të urtë

(Vijon në faqen 2)

EMRI I SHOKUT ENVER HOXHA ESHTË I LIDHUR NGUSHTË ME HAPJEN E RRUGEVE TE GJERA, NE TE CILAT KA ECUR FITIMTAR POPULLI YNE NE VITET E EPOKES SE PARTISE

ENVER HOXHA RRON NE VEPREN E PARTISE, RRON NE ZEMREN E MADHE TE POPULLIT

— Nga letrat dhe telegramet dërguar Komitetit Qendror të Partisë —

Në Komitetin Qendror të Partisë kanë ardhur këto ditë letra dhe telegrame të shumta nga punëtorë dhe kooperativistë, gra e intelektualë, ushtarakë e pionierë, të rinj e të reja, veteranë e veprimtarë shoqërorë, punonjës të arsimit e të shkencës, nga kolektiva e individë të shumtë në të katër anët e atdheut. Ashtu siç është e madhe dhimbja, po aq i madh e i vendosur është edhe premtimi që i bëjnë të gjithë, i madh e i vogël, Partisë sonë se do të ecim me vendosmëri në rrugën e saj të lavdishme, në rrugën e veprës së pavdekshme të shokut Enver Hoxha.

Vepra e shokut Enver Hoxha, shkruajnë në letrën e tyre punonjësit e Akademisë së Shkencave, është e pavdekshme. Ajo shtrihet në të gjitha fushat e jetës e të ndërtimit tonë socialist. Shoku Enver Hoxha na ka dhuruar një varg veprash madhore që do të mbeten në histori si mishërim i mendimit të tij krijues, si pasurim i pashoq i shkencës dhe i kulturës shqiptare, i mendimit shkencor marksist-leninist në përgjithësi. Ai jo vetëm u kujdes drejtpërdrejt për përpunimin e të gjitha shkencave duke u hapur atyre perspektiva të reja me shikim të largët, por edhe zbrëthet konkretisht me mjetet e analizës shkencore, thesaret dhe aftësitë krijuese të këtij populli, të shprehura në historinë, kulturën, gjuhën dhe artin kombëtar. Kurkush nuk e mishëroi më mirë se ai fisnikërinë shpirtërore të popullit shqiptar, zemrën e tij të madhe, shpirtin e tij të bukur. Të gjithë ne, punonjësit e Akademisë së Shkencave do të luftojmë për ta ngritur përherë e më lart cilësinë e veprave tona, të shkencës sonë socialiste, me atë guxim, me atë shembull të madh e ndjenjë të lartë përgjegjësie që na ka rrënjësuar në mendje e në zemër i pavdekshmi Enver Hoxha.

mi fëmijët dhe nipërit e mbesat e prindërve dhe partizanëve heroikë të Shmilit, që strehoi strategun e shquar të luftës heroike Nacionalçlirimtare dhe Komandantin legjendar, shokun Enver Hoxha.

Si në çdo pëllëmbë tokë të Shqipërisë, shkruajnë në telegramin e tyre veteranët dhe të rinjtë e qytetit të Tepelenës, edhe në malet e Labërisë, është dora, mendja, zemra dhe kujdesi i veçantë i Partisë dhe i shokut Enver. Ndaj vajtojnë nënat labe, ndaj rënkojnë thellë zemrat e minatorëve për këtë humbje të madhe. Të paharruara do të mbeten për ne, për gjithë popullin e Tepelenës takimet dhe vizitat e shokut Enver me minatorët e Memaliajt, me kooperativistët e Krahësit, me blegtorët e Dukajit, me shkollarët e Sinanajt, etj. Të paharruara do të mbeten edhe letërkëmbimet e shumta me nënat e dëshmorëve e heronjve të Kurveleshit e të Tepelenës, që shoku Enver i deshte si nënën e gjrit dhe ato e deshën si dritën e syrit.

VII e mban gjithë kombi mbarë

Rapsodi popullor Gjokë Beci nga Mirdita, e shpreh dhimbjen e thellë të popullit, por njëkohësisht edhe betimin e tij solemn për të ecur vendosmërisht në rrugën e

(Vijon në faqen 2)



Shoqja Nexhmije Hoxha dhe pjesëtarët e tjerë të familjes duke bërë homazhe pranë varrit të shokut Enver Hoxha. (Foto: ATSH)

